



LXXXVI.

Письмо митрополита Петра Могилы къ пану Шавлу Ставецкому съ приглашениемъ прибыть въ Киевъ на торжество вступленія своего въ митрополію и освященіе митрополичьей церкви св. Софії.

1633 г. іюня 29.

Милостивый пане Ставецкій, мнѣ вельце мл. пане и пріятелю!

Самъ снать вм., мой милостивый панъ, упевненнымъ зоставши о преверненомъ церкви святой православной покою, не отъ малаго южъ часу выгледати рачицъ того дня, когда бысь упривиліованаго Митрополита православного на столицу кіевскую могъ проводзати. А ижъ тая есть пожаданая власность, же чого намъ в мысли самое разбираше и на память привожене потъшно есть, того пожаданый скутокъ наравно потъшнѣйшій и вдичнѣйшій спраиваетъ. Южъ теды той намъ всѣмъ православнымъ пожаданый часть близко надходитъ, поневажъ покорность моя тымъ отъ Господа Бога, отъ иияяснейшаго Помазанца Его, пана намъ милостиаго, и отъ всей речи посполитое святобливымъ митрополичества кіевскаго урядомъ, за сполнымъ зеволенемъ всѣхъ православныхъ В. М., моихъ мил. пановъ, обдарена, и такъ листомъ диплома названымъ, яко и привилеемъ Его К. милости на то ствержена будучи, маеть мѣти въездъ свой, дай Боже щастливый, на помененую митрополію кіевскую въ неделю дасть Богъ пришлую, то есть седьмого дня іюля, и тамъ же скоро пріѣхавши, посвященіе церкве святой Софіи, единой народу нашего православного оздобы, а головы и матки всѣхъ церквей, з яко быти можетъ наибольшимъ приготовліемъ и благолѣпіемъ отправовати за помочию Божою постановлісмо. Где ачъ колвекъ намиѣй не вонtplю, ижъ В. Мл. мой М. панъ, ревностю одновляючися, церкве нашей православной взрушеный самъ охотне, с повинности христіанское, на впровадзене мене на митрополію якъ и на посвященіе тоєи, плачливе зруинованои, оздобы нашей Рос-

сійской, доброхотнымъ умысломъ прибыти не рачишъ омѣл-
кati. Але еднакъ тымъ бардзѣй покорною и слушною проз-
бою мою побужоный будучи, то выконати милостиве и самъ
изволишъ и другихъ собѣ поблизшихъ ихъ Милостей Цановъ
пріятелей и сусѣдовъ до тогожъ побудити з охоты рачишъ.
Учинишъ заисте, В. М., мой милос. Панъ, тымъ побожнымъ
христіанскимъ учинкомъ такъ у Облюбенца церкве светой собѣ
великую прислугу, якъ моему и ихъ милос., сполобывателей
православныхъ, очекиваню выгоду, а што надто милость ва-
шу ко светому восточному благочестію освѣдчишъ, и актови то-
му святобливому и вшелякой оздобы годному притомностю
свою не мало придати рачишъ. Што абы В. М., мой мил.
Панъ, скуткомъ безъ вшелякой вымовки выконати милостиве
рачиль, и повторе пилне прошу. Туть ся южъ съ повинны-
ми молитвами моими Архіерейскими до тоей ласки моего ве-
лице милостиваго пана, пилне пилне и повторе залецаю. Въ
Радомыслю, въ день святыхъ Апостоль Петра и Павла,
року 1633.

*В.М., моего милостиваю пана, зычливый пріятель и служити
готовый Богомолецъ, Петръ Могила, Милостію Божію Архіепи-
скопъ, Митрополитъ Кіевскій и Галицкій и всея Россіи, Экзар-
ха єрону константинопольскою и Архимандритъ Печерскій ру-
кою власною.*

*(Съ подлинника, находящаюся въ Архивѣ Греко-уніат. митро-
пол. при Св. Синодѣ, подъ № 812. Письмо это напечатано бы-
ло въ Кіев. Епар. Відом. за 1873 г., но не совсѣмъ исправно.)*

